

Powšitkowne WOZJEWJENJA

njedźelu, 19. nowembra 2023

Wusyłanje Božej mše

Serbskorěčnu Božu mšu móža wěriwi tutu njedźelu, 19. nowembra, w 9.00 hodź. z Chróscic jako livestream scěhować. Link na nju je w interneće pod www.posol.de a na wosadnej stronje podaty.

TCM prosy na škot a rommé

Sekcija Swójba Towarstwa Cyrila a Metoda z.t. (TCM) přeprošuje wšitkich zajimcow na škotowy turněr, kotryž wuhotuje wutoru, 21. nowembra, na předwječoru pokutneho dnja, we 18.30 hodź. w Jasčanskej „Bjesadze“. Kulturny dom nańdžeš z Dobrošic přijěducy a křižowanišćo přeprěčiwiši runjewon na kromje wsy. Wuraznje su nimo muži tež žony přeprošene, wšojedne kotreje staroby. Za tych, kotřiž njemóža škot hrać, zarjadowuje sekcija zdobom turněr z kartowej hru rommé. Myta ma TCM za dobyčerjow wobeju turněrow spřihotowane. Wobdželenje je za wšitkich darmotne. Wo zastaranje z jědžu a napojemi so TCM postara.

Ekumeniski temowy dzeń w Budyšinje

Na ekumeniski temowy dzeń pod hesłom „Um:Wege zu finden – za sprawność, měř a zdźerženje Božej stwórby“ su wšitcy zajimcy na pokutnym dnju, srjedu, 22. nowembra, do Budyšina přeprošeni. Započatk je w 10.00 hodź. z ekumeniskej Božej službu w tachantskej cyrkwi. Přizamknu so tematiski puć po Sprjewinym měsće ze wšelakimi stacijemi a džěłarnički k rozdžělnym temam. Zhromadne zakónčenje budže w 15.30 hodź. tohorunja w tachantskej cyrkwi. Link k nadrobnišim informacijam je pod www.posol.de podaty.

Znowaposwjećenje swjatołětneho pomnika

Po tym zo bu pomnik swjateju Cyrila a Metoda pola Stróžišća lětsa spočatk februara skóncowany a z tym wonječesćeny, mjeztym pak zaso sporjedžany, přeprošuje Towarstwo Cyrila a Metoda z.t. (TCM) na nyšpor ze znowaposwjećenjom. Tón budže njedźelu Chrysta Krala, 26. nowembra, w 14.00 hodź. TCM běše w lěće 2000 jeničce z darow financowany pomnik jako džak za 2.000 lět křesćanstwa na tym městnje postajiło.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 5. decembra, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 28. nowembra, w redakciji Katolskeho Posoła přizjewja, telefonowe číslo (0 35 91) 55 02 12. Dalši zajimcy kaž tež ci, kotřiž njesu samostejacy, su tohorunja wutrobnje witani. Kóždy njech sej Wosadnik sobu přinjese. Štóž chce wotewzaty być, njech to prošu zdžěli.

Jězba w lětnich prózdninach do Lückendorfa

Dekanatne dušepastyrstwo za džěci přeprašuje šulerki a šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 8. do 12. julija 2024. Swójski přinošk na wobdžělnika wučinja 110 eurow. Přizjewjenja přijimuju hač do njedzele, 31. měrca 2024, online. Link na wotpowědnu stronu je pod www.posol.de wozjewjeny. Po přizjewjenju dóstanu wobdžělnicy dalše informacije z mejlku.

Młodostni na Chrysta Krala do Chróścic

Na zhromadny nyšpor je dekanatna młodžina tež lětsa na swjedženju Chrysta Krala, nje-dželu, 26. nowembra, w 14.00 hodž. do Chróścic přeprašena. Swječić budže jón kapłan Markus Winzer, z Kulowa pochodzacy a nětko w Zhorjelcu skutkowacy duchowny.

Zhromadne dny seniorow

Pod hesłom „Wo přeću, darjenju a wobdarjenju“ přeprašuje Smochčanske kubłanišćo swjateho Bena seniorow na zhromadne adwentne dny. Wone wotměja so wot pónđzele do štwórtka, 4. do 7. decembra. Kurs nawjeduje Carola Kube. Přizjewjenja přijimuju hač do srjedy, 22. nowembra. Link k tomu kaž tež k dalším informacijam je pod www.posol.de podaty.

Němčansku kapałku sej wobhladać

W Němčanskej kapałce Chrysta Krala poskičuje zwóńk Měrcin Zynda na swjedženju Chrysta Krala nje-dželu, 26. nowembra, wot 15.00 do 17.00 hodž. krótke wodženja. Wšitcy su přeprašeni.

Modlenje róžowca w Róžeńće

Na modlenje swjateho róžowca a před Najswjećišim su wěriwi sobotu, 2. decembra, we 18.00 hodž. do Róžeńčanskeje hnadowneje cyrkwy přeprašeni. Prosyć chcedza wosebje wo měšniški dorost. Pačerje budu serbsce a němsce spěwać. Hižo poł hodžiny do spočatka zahraja dujerjo adwentnu hudžbu.

Adwentne popođnjo w Drježdžanach

Na serbske ekumeniske adwentne popođnjo w Drježdžanach su wšitcy zajimcy sobotu, 2. decembra, w 15.00 hodž. přeprašeni. Wone wotměje so w rumnosćach při cyrkwi swjateho Hubertusa na Běłym jelenju, Am Hochwald 2, 01324 Drježdžany. Nyšpor změje serbski superintendent Krystof Rummel. Přizamknjetej so bjesada a swačina. Zdobom předstaji Smolerjec kniharnja wuběr lětušich najnowšich wudaćow.

Hodowna pakćikowa akcija

Towarstwo swjateje Filomeny z.t. chce tež lětsa zaso džěci a swójby w maćerno-džěćacym domje w čěskim Dolním Podluží kaž tež w bołharskim Razgradze a wokolnych wsach z hodownymi pakćikami zwjeselić. Wobsah pakćikow njeje předpisany. Darić hodza so na přikład kakaw, slódkosće, hrajkki abo pisanske materialije. Spomóžne by było, by-li pakćik nalěpk měł, na kotrymž je cilowa skupina podata, na přikład „holca 14 do 16 lěť“ abo „swójba“. Pakćiki kaž tež počehnjena a twory hygieny zběraja wot pónđzele do štwórtka, 27. do 30. nowembra, wšědnje wot 17.00 do 18.00 hodž. w kulturnym domje w Smjerdžacej. Trjebanu drastu a črije lětsa njehromadza. Z pjenježnymi darami maja so přenjorjadnje transportne košty narunać. Kwitowanku za pjenježne dary po přeću wustaja. Dalše informacije podawa Gerat Róbl w Smjerdžacej pod telefonowym čisłom (01 72) 7 94 75 22.

Mandželske seminary

Seminary k přirotej na sakrament mandželstwa wotměja so klětu stajnje pjatk a sobotu, 16. a 17. februara, 26. a 27. apryla kaž tež 29. a 30. nowembra w Smochčanskim kubłanišću swjateho Bena. Přizjewjenja přijimuje Dekanatne dušepastyrstwo młodžiny we Worklecach hač do srjedy, 17. januara, online. Link je pod www.posol.de podaty.

Nowy termin za wukublanje JULEICA

Worklečanske młodžinske dušepastyrstwo přewjedže klětu zaso za zajimcow kurs JULEICA. Wukublanje wobsteji z dweju dželow a wotměje so stajnje wot pjatka do nje-džeze z přenocowanjom w Smochćicach. Prěni termin budže hižo wot 19. do 21. januara, a nic kaž dotal wozjewjene spočatk februara. Druhi džěl scěhuje wot 26. do 28. apryla. Zajimcy měli so nimo toho na kursu přenjeje pomocy wobdžělic. Tón budže sobotu, 2. měrca, we Worklečanskim Don Boskowym domje. Přizjewjenja přijimuja hač do srjedy, 3. januara, online. Link je pod www.posol.de podaty.

Adwentnička dekanatneje młodžiny

Lětuša adwentnička dekanatneje młodžiny budže njedzelu, 3. decembra, w Radworju. Nyšpor w 14.00 hodž. wobrubu 1. serbska kulturna brigada.

Kubłanski dzeń dekanatneje młodžiny

„Žiwy być kaž w paradizu?!“ rěka hesło kubłanskeho dnja, na kotryž přeprašuje dekanatne dušepastyrstwo wšitkich młodostnych a młodych doroscenyh w starobje wot 18 do 30 lět sobotu, 6. januara 2024, do Ewangskeho centruma za džěci a młodžinu TiK w Budyšinje. Za zastaranje, program a zawěšćenje zběraja přinošk we wysokosci 10 eurow. Přizjewjenja přijimuja hač do srjedy, 12. decembra, online. Link je pod www.posol.de wozjewjeny.

Na komediju „Alojs MOBILizuje!“

Lajska dźiwadłowa skupina Chróscicy přeprašuje wšitkich zajimcow na předstajenja swojeje noweje inscenacije „Alojs MOBILizuje!“ Planowane wustupy su tutu njedzelu, 19. nowembra w Bukecach kaž tež po njedzelach 26. nowembra w Nowoslicach, klětu 7. januara w Radworju a 21. januara w Njebjelčicach. Započatk je stajnje w 16.00 hodž. Dalšej předstajeni scěhujetej sobotu, 27. januara w 17.00 hodž. – za tón dzeń móže so wječer skazać – kaž tež njedzelu, 28. januara, we 18.00 hodž. w Haslowje.

Bratrowstwo předstaji swoju inscenaciju

Kulowske Bratrowstwo přeprašuje wšitkich zajimcow na dalše předstajenja swojeje komedije „Tónkróc něšto z niwowom!“. Z wuwzaćom jednoho budu wšitke ze simultanim přeložkom do němčiny. Planowane wustupy su po njedzelach 26. nowembra w Radworju, 3. decembra w Chróscicach a 10. decembra w Nowoslicach. Započatk je stajnje w 16.30 hodž. Poslednje předstajenje budže na lětnym swjedženju Bratrowstwa sobotu, 6. januara 2024, w 19.00 hodž. w Sulšecach. Předstajenje tutu njedzelu, 19. nowembra, w Njebjelčicach, wupadnje.